



Publicaziuns dalla vischnaunca, jamna 49

Damonda da baghegiar

Nr. 2011-1059

Datum da publicaziun: ils 9 da december 2011

Il patrun: Gisela Berther, Via Alpsu 8, 7180 Disentis/Mustér

Il representant: Gisela Berther, Via Alpsu 8, 7180 Disentis/Mustér

Object: Sanaziun dalla tegia e midada d'intent dil terren, parcella 3040, Run Cunel, 7186 Segnas

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta scretta dil recurrent ni da siu representant.

Disentis/Mustér, ils 5-12-2011

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 16 da december 2011 allas 19.30** en stanza da sedutas el plaunterren dalla casa communal a sia davosa seduta d'uonn.

Tractandas:

1. Protocols nr. 21- e 22-2009/2012
2. Revisiun parziala dalla planisaziun locala (messadi nr. 36-2009/2012)
3. Hotel .Disentiserhof.: Contribuziun alla sanaziun dil bogn cun la finamira da promover il turissem (messadi nr. 33-2009/2012)
4. Agenda 2012
5. Ura da damondas (conform ad art. 44 dil regulativ da fatschentas)
6. Elecziuns:
 - 6.1 dil president ni dalla presidenta dil cussegl da vischnaunca per 2012
 - 6.2 dil vicepresidente ni dalla vicepresidente dil cussegl da vischnaunca per 2012

La presidenta dil cussegl da vischnaunca

Resultats dalla votaziun communal dils 27 da november 2011

Votaziun communal

Diember dils votants:1587

Participaziun alla votaziun: 41%

Center da sport e cultura – sanaziun dils indrezs ordaviert

Dau giu cedels: 649

Cedels vits: 3

Cedels nunvaleivels: 3

Total cedels vits e nunvaleivels: 6

Cedels valeivels: 643

Gie 293 61%

Na 250 39%

Mustér, ils 27-11-2011 Il biro electoral:

Il president: Iso Mazetta

Igl actuar: Andri Hendry



Scaldaments mobils el liber

Bulius da scaldar, radiaturs, radiaturs d'infratgietschen eav.

Tenor art. 11 al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposiziun:

1. Per mintga apparat da scaldar mobil che vegn duvraus el liber per intents commercials e che ha ina prestaziun da scaldar da maximalmeins 14 kW sto vegnir cumpensau 1 tonna CO². Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO² e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO² eav. Silmeins 20% dall'emissiun CO² sto vegnir cumpensada en Svizra.
2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai 1 onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.
3. La cumpensaziun dall'emissiun da CO² succeda entras il gestiunari ni entras la vischnaunca.
4. Sch'ils gestiunaris cumpenseschan sez l'emissiun da CO², vegn la vignetta concedida gratuitameins entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO² (p. ex. myclimate). Per apparats da scaldar electricis po l'obligaziun da cumpensar l'emissiun da CO² era vegnir adimplida, sch'ei vegn applicau – per mintga tonna CO² che sto vegnir cumpensada - cumprovadameins 4500 kWh d'electricitad ch'ei vegnida producida cun energias regenerablas.
5. Sch'ils gestiunaris cumpenseschan buca sez l'emissiun da CO², ston els cumprar tier la vischnaunca ina vignetta per mintga tonna CO² che sto vegnir cumpensada. Il prezi per vignetta importa frs. 60.–.
6. Las vischnauncas impundan igl entir recav dalla vendita da vignettas per cumpensar l'emissiun da CO². Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).
8. Quell'ordinaziun entra en vigur igl 1. da settember 2011. Las vignettas san vegnir retratgas naven digl 1. d'october 2011 tier l'administraziun communal.

Per ulteriur sclariment stat igl uffeci da baghegiar (Ervin Maissen, tel. 081 920 36 46) a disposiziun.

Suprastonza communal Disentis/Mustér

Reducziun individuala dallas premias dalla cassa da malsauns 2011

Persunas e famiglias che vivan en relaziuns economicas mudestas, san risguardond certas premias, dumandar contribuziuns vid las premias dall'assicuranza da basa obligatoria per la tgira da malsauns (LAM). Persunas che han aunc buca fatg diever dil dretg san far quei entochen la fin digl onn 2011 (davos termin, datum dil bul da posta 31.12.2011).

Informaziuns, basa legala, muossavia ed il formular d'annunzia anfleis Vus sin la pagina d'internet www.sva.gr.ch. Vus saveis era retrer ils formulars tier l'administraziun communal.

Per damondas stein nus bugen a Vossa disposiziun
Administraziun communal Disentis/Mustér



Clom da quens

Il quen communal vegn serraus giu cun ils 31 da december 2011. Per saver risguardar las expensas occurridas uonn el quen 2011 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard ils 19 december 2011. Nus supplichein tuttas firmas sco era tut ils officials dalla vischnaunca d'observar quei termin.

Administraziun communal Disentis/Mustér

Controlla dils barschaders d'ieli

Il controllader da barschaders d'ieli, Marcel Levy, vegn el proxim temps ad exequir las controllas per la perioda 2011/12. Nus fagein attents convischinas e convischins che quellas controllas ein tenor las ordinaziuns federalas e cantunalas obligatorias.

Controllau vegn: Funs, Scaletta, Chischliun, Sontget, Faltscharidas e tuts uclauns.

Nus supplichein da prender enconuschientscha da quest avis.

Administraziun communal

Pigniel da Nadal 2011

La 3. classa reala/secundara Mustér organischescha uonn la vendita dil pigniel da Nadal. Ei vegn vendiu pignola mo sin empustaziun. La vendita ha liug avon il local forestala a Cuož-Sut: **Mesjamna, ils 21 da december 2011 dallas 8.30–11.00.**

Il pigniel sa vegnir empustaus entochen ils 14 da december cun indicar num, prenum, adressa, sort dil pigniel e grondezia.

Adressa: Scola Mustér, vendita da pigneuls, Caum postal 41, 7180 Mustér

Telefon: 081 947 52 85

Fax: 081 947 52 86

Mail: ahosang@scoladisentis.ch

Pégn (Rottanne)

1,10–1,50 m frs. 26.–

1,60–2,00 m frs. 29.–

2,10–2,50 m frs. 33.–

Viez (Weisstanne)

1,20–1,70 m frs. 38.–

1,80–2,50 m frs. 43.–

Pégn da Nordmann

1,10–1,50 m frs. 41.–

1,60–2,00 m frs. 53.–

2,10–2,50 m frs. 67.–



Pinar sez il pigniel da Nadal!

Igl uffeci forestal dat era uonn la pusseivladad a mintga habitont ni hosp da Mustér dad ir egl uaul a pinar gratuitamein il pigniel da Nadal giavischau. Il forester communal accumpogna ils interessai e dat in ni l'auter cussegl.

Nus s'entupein cun resti cauld, buns calzers ed ina resgiutta **sonda, ils 17 da december 2011 allas 9.00 sil parcadi dil Center da sport e cultura, Mustér.**

Uffeci forestal Disentis/Mustér

Devoziun d'advent: Jesus port'al mund la pasch

Nus envidein Vus e Vossas famiglias, Vos amitgs ed enconuschents e tut tgi che ha plascher alla devoziun d'advent.

**Dumengia, ils 11 da december 2011
allas 17.00 en baselgia s. Gions Mustér.**

Cordial beinvegni a tuts
la grupp dil Salid dil Segner ed il rudi d'affons Artgin

Apparats d'udida

Gliendisdis, ils 19 da december 2011 saveis Vus schar schubergiar e regular Vies apparat d'udida en Casa da tgira Sursassiala a Must.r e Curaglia:

**a Mustér naven dallas 14.00 tochen ca. las 15.15,
a Curaglia naven dallas 15.30 tochen ca. las 16.30.**

L'union Pro Audio Chur, cun Arthur Jacomet fa quei survetsch per tuts interessents gratuitamein.

Cordial invit Casa da tgira Sursassiala

Disentis früher – heute Die vielbeachtete Ausstellung vom vergangenen Mai/Juni

Disentis früher – heute. ist seit zwei Wochen auch in Broschürenform erhältlich. Wegen der grossen Nachfrage ist bereits die zweite Auflage gedruckt worden. In der Raiffeisenbank Cadi, Disentis oder im Laden bei der Klosterpforte ist sie erhältlich. Ob als Weihnachtsgeschenk für Heimweh-Disentiser oder die eigene Hausbibliothek, mit den vielen alten und aktuellen Fotos aus der Gemeinde und den interessanten Geschichten ist die Broschüre für Jung und Alt gleichermassen spannend wie eindrücklich.

Buchvernissage im Kloster Disentis

Das Staatsarchiv Graubünden und das Stiftsarchiv Disentis laden Sie herzlich ein zur Buchvernissage am **Dienstag, 13. Dezember 2011, um 20.30 Uhr** im Peter-Kaiser-Saal des Klosters Disentis.

Ivo Berther stellt seine Doktorarbeit .Il mund sutsura – Die Welt steht Kopf., Alpine Peripherie und Moderne am Beispiel der Landsgemeinde Disentis 1790–1900, vor. Ivo Berther hält ein Referat mit dem Titel: Kulturgeschichte des Politischen: Der Landesverratsprozess gegen den Mistral der Cadi im Jahre 1848. Anschliessend wird ein Apéro serviert.



Uniun purila Mustér: Radunonza generala

Sonda, ils 10-12-2011 allas 20.15 el hotel .Sax.

Cordialmein envida suprastonza uniun purila

Uniun samaritana Mustér

Nus s'entupeiin **gliendisdis, ils 12 da december allas 19.30** ella Casa Cruna per star in'uriala en buna cumpignia. Ei vegn purschiu in pign pushegn.

Selegrond sin Vossa participaziun ed ina biala sera salida
la presidenta

Center sursilvan d'agricultura Finiestra d'advent

Uonn s'envidan las finiastras d'advent a Salaplauna e contuorn. Ellas ein envidadas entochen ils 6 da schaner 2012, mintgamai dallas 17.00–23.00. Bien divertiment da contemplar ils bials motivs da Nadal!

Gievgia, ils 29 da december ei il Center sursilvan d'agricultura aviarts naven dallas 18.00. Ils visitaders dil calender d'advent san sescaldar cun vin cauld, punsch e petta fatg sez.

Adventsfenster

Dieses Jahr werden die Adventsfenster von Disentis in Salaplauna und Umgebung geffnet. Sie leuchten jeden Abend von 17.00–23.00 Uhr, und dies bis 6.1.2012.

Am Donnerstag, 29.12.2011, ist das Center ab 18 Uhr geöffnet. Die Besucher können sich während oder nach dem Besichtigen der Adventsfenster mit Glühwein oder Punsch aufwärmen und dazu unsere selbst gebackenen Kuchen geniessen.

«Der Grinch», film da Nadal per affons (naven da 6 onns)

Mesjamna, ils 21 da december allas 15.30 mussein nus in film da Nadal per affons. Popcorn astga naturalmein buca muncar! Secapescha astgan era genituras mirar il film ni guder in caffè e mirar las finiastras d'advent.

«Der Grinch», Weihnachtsfilm für Kinder (ab 6 Jahren)

Mittwoch, 21.12.2011 um 15.30 Uhr zeigen wir einen Weihnachtsfilm für Kinder. Popcorn darf bei einem Kinobesuch natürlich nicht fehlen! Selbstverständlich dürfen sich die Eltern den Film auch anschauen oder draussen einen Kaffee und die Adventsfenster geniessen.



**9. exposiziun d'art en casa da scola Segnas
ils 10/11 e 16/18 da december 2011**

Temps d'avertura:

sonda, ils 10-12-2011, 18.00–22.00
dumengia, ils 11-12-2011, 14.00–19.00
venderdis, ils 16-12-2011, 18.00–22.00
dumengia, ils 18-12-2011, 14.00–19.00

Ovras da: Barbara Donnarumma, Mariette Lombard, Felicia Deflorin, Fis Guldumann, plinavon stat igl artist Linus Flepp a disposiziun en siu atelier

Ustria: stiva da caffè cun spezialitads dil vitg

Entrada: libra

Organisatur: Chor-baselgia Segnas

Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Biblioteca populara Mustér

Praulas e historias cun Mats, la miur

Eis ti denter 3 e 6 onns? Has ti gust da vegnir cun tia mumma ni cun in'otra persuna d'accumpignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surpras e quei mintga gada il secund venderdis dil meins dallas 14.30 entochen ca. allas 15.30. Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surpras!

Cun ils pli cars salids e sin seveser tochen gleiti.
Mats, la miur ed il team dalla biblioteca populara Mustér

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.



La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
